

2019 йилнинг 17 апрель куни ўтказиладиган
“Ёшларга оид давлат сиёсатини амалга ошириш стратегияси:
мавжуд вазият ва ривожлантириш истиқболлари” мавзусидаги
республика илмий-амалий конференцияси

АХБОРОТ ХАТИ

Ўзбекистон Республикаси Президенти хузуридаги Давлат бошқаруви академияси ва ушбу академия қошидаги Ёшлар муаммоларини ўрганиш ва истиқболли кадрларни тайёрлаш институти ҳамда Ўзбекистон ёшлар иттифоқи 2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифалардан келиб чиқиб, шунингдек, Ўзбекистон Республикаси Вазирлар Маҳкамасининг 2019 йил 25 февралдаги 133-Ф-сонли Фармойиши билан тасдиқланган “2019 йилда республика миқёсида ўтказиладиган илмий ва илмий-техник анжуманлар режаси”га мувофиқ Ўзбекистон Республикаси Президенти хузуридаги Давлат бошқаруви академиясида **жорий йилнинг 17 апрель куни «Ёшларга оид давлат сиёсатини амалга ошириш стратегияси: мавжуд вазият ва ривожлантириш истиқболлари» мавзусида республика илмий-амалий конференцияси** ўтказилиши эълон қилинади.

Конференция қўйидаги йўналишлар бўйича ташкил этилади:

1-шўъба: Ўзбекистон Республикасида ёшларга оид давлат сиёсатини амалга оширишнинг асосий йўналишлари: муаммо ва ечимлар (ёшларнинг сиёсий онги ва маданиятини юксалтириш, ёшларнинг сиёсий жараёнларда фаол иштироқини таъминлаш, ёшларни ҳар томонлама қўллаб-қувватлаш ва ҳуқуқий манфаатларини ҳимоя қилиш тизимини тубдан ислоҳ этиш борасида амалга оширилган ишлар таҳлили, демократик давлат қуриш ва фуқаролик жамиятини ривожлантириш борасидаги ислоҳотларда ёшлар фаоллигини ошириш масалалари)

2-шўъба: Ёшларда ҳуқуқий онг ва ҳуқуқий маданиятни ошириш борасидаги долзарб масалалар (Ёшларда ҳуқуқий онг ва ҳуқуқий маданиятни шакллантиришда таълим тизимининг ўрни, оиласарда ҳуқуқий тарбия мухитини ривожлантириш масалалари, ОАВда ҳуқуқий тарғибот ва унинг ёшлар ҳуқуқий маданиятини шакллантиришдаги ўрни, ёшларга қонунларнинг мазмун-моҳиятини тушунтириш, уларнинг ҳуқуқий билимларини оширишда давлат ва жамоат ташкилотларининг ўрни, ёшларнинг ҳуқуқий саводхонлигини оширишда хориж тажрибаси)

3-шўъба: Ёшларга оид давлат сиёсатини амалга оширишнинг молиявий механизmlарини такомиллаштириш йўллари (ёшларни тадбиркорлик фаолиятига жалб этиш борасидаги мавжуд муаммолар ва уларни бартараф этиш йўллари, ёшларнинг бизнес лойиҳаларини молиялаштириш борасидаги мавжуд вазият ва муаммолар таҳлили, ёшларнинг стартапларини молиялаштириш шакллари ва механизmlарини такомиллаштириш, “Yoshlar – kelajagimiz” Давлат дастурини амалга оширишнинг амалдаги ҳолати таҳлили ва ривожлантириш йўналишлари, ёшлар тадбиркорлигини ривожлантиришда тижорат банкларининг ролини ошириш, илм-фан ва ёшлар тадбиркорлиги фаолияти ўртасидаги узвийликни таъминлаш, ёшларда тадбиркорлик қўнималарини ривожлантиришда таълим тизимининг ролини ошириш)

4-шўъба: Кичик бизнесни ҳамда хусусий тадбиркорликни қўллаб-қувватлаш ва тезкор ривожлантириш орқали ёшларни муносаб иш билан таъминлаш ва самарали бандликни кенгайтириш муаммолари (ёшлар бандлигини таъминлаш тизимининг мавжуд ҳолати таҳлили ва унинг самарадорлигини ошириш, кичик бизнес ва хусусий тадбиркорликни қўллаб-қувватлашнинг ҳуқуқий-меъёрий асослари ва амалга ошириш механизmlарини такомиллаштириш, ёшларни иш билан таъминлашда кичик бизнес ва хусусий

тадбиркорликнинг роли ва аҳамиятини ошириш, юқори технологияларга асосланган тадбиркорлик фаолиятини ривожлантириш, ёшларни тадбиркорлик фаолиятига жалб этишда хориж тажрибаси)

Илмий-амалий конференцияни ўтказиш тартиби: Конференция **2019 йилнинг 17 апрель куни соат 10.00** да “Ёшлар ижод саройи”да бўлиб ўтади ва унда вазирлик, идора, ташкилот, муассасалар бош мутахассислари, ёш олимлар, докторант, мустақил тадқиқотчи ва магистрларнинг иштирок этиши назарда тутилган.

Илмий-амалий конференцияда иштирок этувчиларнинг илмий мақолалари қуидаги талаблар асосида қабул қилинади:

1. Илмий мақолалар конференция йўналишларига оид долзарб мавзуларда, илмий таҳлилларга суюниб, тугалланган фикрлар асосида тегишли таклиф ва тавсиялар тақдим этилган ҳолда бўлиши лозим.

2. Тақдим этилаётган илмий мақолалар соҳа бўйича етук мутахассисларнинг камидан битта тақризи билан қабул қилинади.

3. Илмий мақолалар матнлари таҳрир қилинган ҳолда А4 ҳажмдаги қоғозга, юқоридан ва пастдан 2 см., чапдан 3 см., ўнгдан 1,5 см. жой қолдириб, бир нусхада расмийлаштирилган бўлиши лозим. Мақоланинг номи бош ҳарфлар билан ёзилиб, 1,5 интервалдан сўнг муаллифнинг исми ва отасининг исмини бош ҳарфлари ҳамда фамилияси ёзилади, 1 интервалдан кейин ташкилот (иш ёки ўқиши жойи) ва шаҳар номи кўрсатилади. Сўнгра 1,5 интервал қолдирилиб, матннинг мазмуни 1,5 интервалли қаторларда ёзилади.

4. Матннинг электрон нусхаси MC Word дастурида, Times New Roman шрифтида, 14 кегел катталигида бўлиши, 3 бетдан кам бўлмаган ва 6 бетдан ошмаслиги лозим. Мақолаларнинг электрон нусхаси ва тақризи имзоси билан сканер қилинган (PDF) ҳолатда мақолага илова қилиб, conference@yomi.uz электрон манзилига юборилади.

5. Конференция учун материаллар **2019 йилнинг 10 апрель кунига** қадар Ўзбекистон Республикаси Президенти ҳузуридаги Давлат бошқаруви академияси қошидаги Ёшлар муаммоларини ўрганиш ва истиқболли кадрларни тайёрлаш институтининг (Тошкент шаҳри, И.Каримов кўчаси 45-үй) ташкилий қўмитасига тақдим этилиши мумкин. Илгор ғояларни ўзида мужассамлаштирган мақолалар илмий конференция материаллари тўпламида чоп этилади.

Батафсил маълумотларни (0371) 232-61-31, 232-61-45, телефон рақамлари орқали олиш мумкин.